

皇清經解續編

皇清經解集編

皇清經解續編卷五百五十七

南菁書院

詩經異文釋十三

嘉興李富孫鄭沚著

通求厥甯說文欠部引作吹求云詮詞也董氏云孫毓引詩同

案漢書敘傳吹中鰈爲庶幾兮師古注吹古聿字又選作聿

廣雅曰吹詞也古聿通字同

釋言坎律銓也當是吹聿詮也之譌與說文義正合

戴氏

曰詩中聿曰通三字互用爾雅通自也述也說文吹字从欠

从曰曰亦聲然則吹蓋本文省作曰同聲假借用聿與通詮

詞者承上文所發端詮而釋之也錢氏坵曰曰求厥章正與

吹求厥甯同是曰吹亦通段氏曰吹正字聿通曰皆假借字

既伐于崇尙書大傳作密案漢郊祀志師古注密古崇字攷工

記總目崇於戈四尺釋文崇本作古密字左氏宣元年侵密

釋文本亦作崇玉篇密同崇此但字體倒易耳段氏曰崇亦

密體之小異

作邑于豐文選西征賦注引作於豐下章豐水東注漢高祖御功臣頌注引亦作豐

覽一百五十五引作遂邑於鄠又引帝王世紀作作邑案采蘇傳云于於也

說文大學注竝同易詩多作于書禮論孟多作於是為古今

字說文云豐周文王所都漢地理志亦云太王徙邽說文邽或作岐

文王作豐今詩作豐从省借

築城伊洺釋文云洺字又作洺韓詩云洺深池案說文云洺成

閒溝也冬官匠人成間有洺洺疾流也論語而盡力乎溝洺夏本紀作

致費於溝洺河渠書溝洺字亦作洺是洺與洺通毛傳以洺

為成溝則亦洺之段借也正義引匠人成閒有洺亦作洺云

減洫音同段氏曰按从韓詩則字義聲韻皆合矣

築豐伊匹大宗伯職疏作築池案豐作池以上言築城故此言

築池一作地當爲字誤

匪棘其欲適追來孝禮器引作匪革其猶聿追來孝釋文棘作

亟云或作棘欲作慾云本亦作欲後漢李固傳作聿追魏志

明帝紀注引作匪棘其猶聿追來孝案古棘革恆亟通用列

子湯問於夏革莊子逍遙遊作棘論語棘子成古今人表蜀

志秦宓傳竝作革子成蓋革有棘音故棘亦通作革禮器疏

云革棘字異義同

惠氏士奇曰天問啟棘賓商棘猶革也古棘革通

欲猶聲相近慾

俗字猶訓謀義竝通爾雅孫炎注適讀聿古通用熊氏朋來

曰此詩有禮記匪革其猶可證朱傳乃不改欲字作猶而改

孝字音許六反失矣陳氏第曰革音棘說文云急也

案文選三國名

臣序贊注引

蒼頡篇同

本作輓徐曰束物之急莫若革今文省作革是

亟又省革旁

案玉篇輓亦作亟

段氏曰詩多假棘爲急禮作革革亦

急之假借字王氏引之曰欲猶古字通

周禮猶犯令者大戴朝事作欲

適辭

也來往也言所以作都邑者非急從已之欲也乃上追前世

之美德欲成其功業也

宅是鎬京水經渭水注引作鄠京案說文云鎬武王所都鄠常

山縣今爲高邑則非一地周語杜伯射王于鄠韋注鄠鄠京

也書洪範傳釋文鎬本又作鄠荀子王霸注云鄠與鎬同史

記匈奴傳亦作鄠鄠據說文鄠爲借字

武王豈不仕晏子春秋諫下引作豈不事案傳箋俱訓仕爲事

緇衣注仕之言事也仕事一聲之轉荀子大略注仕與事同
時維姜嫄大戴帝繫周本紀作姜原外戚世家同正義引韓詩
章句曰姜姓原字或曰姜原諡號也春秋元命苞漢禮樂志
古今人表列子天瑞注論衡奇怪文選安陸昭王碑文注御
覽八百廿二竝作原斯干箋釋文同案大司樂注云先妣姜嫄也
釋文本又作原說文云嫄台國之女周棄母字是从韓詩說
原當从省

以弗無子御覽五百廿四引作以拂一本仍作弗又五百廿九引鄭記作祓案

廣雅曰拂除也箋云弗之言祓也二字義通韓詩拂厥豐草
云拂弗也文選顏延之讌曲水詩滯瑕難拂注云拂亦作弗
古字通作祓是从鄭義

履帝武敏釋訓釋文引舍人本敏作畝云古者姜嫄履炎帝之迹於畎畝之中而生后稷案釋訓曰敏拇也鄭箋同敏畝音近而義別中庸注云敏或爲謀謀畝亦聲相近段氏曰敏者拇之假借字古敏拇畝同音故爾雅舍人本作畝亦假借字也

載震載房御覽

五百廿四

夙引作肅案箋云於是遂有身肅戒不復

御說文云夙古文作𠂔𠂔从此少牢饋食禮注宿讀作肅是宿本从古文夙則夙與肅讀亦通故箋作肅解而御覽因改从之

不圻不副說文土部引作不圻不𨮒云从土𨮒聲裂也御覽

二百

六十引作不𨮒案𨮒作圻隸變字周禮𨮒辜說文作副辜籀

一

文作𪔐字同楚世家集解作剖字形相雜此誤改爲剖耳錢氏曰古讀副如劈說文副判也判副雙聲

無菑無害楚世家集解白帖入菑引作災北堂書鈔一作災閔宮

無災無害釋文災字又作灾本亦作菑案說文云裁或作灾古文作𪔐籀文作

災菑才耕田也从𪔐𪔐音灾又云𪔐害也故古多借菑爲災

字

誕置之隘巷宋書符瑞志引作棄之阨巷案棄置義同左氏昭

元年傳所遇又阨阨本又作隘定四年傳還塞大隧直轅冥

阨阨又作隘禮器君子以爲隘矣隘本又作阨竝見釋文古

隘阨二字同

實覃實訐釋文云覃本或作譚說文𠬪部訐引作𠬪案碩人譚

公維私白虎通作覃今覃作譚亦同音通借箋云訐謂張口
嗚呼也玉篇云訐大也張口嗚也是與吁通

克岐克疑說文口部疑引作礙云小兒有知也淮南原道注引

同一本仍案春秋元命苞云稷岐頤自求是謂好農頤與礙

聲相近毛傳云疑識也正與許義合

漢劉熊碑岐礙踰絕婁壽碑岐疑有志漢隸於

偏旁往往任意改易故礙字因上文亦

從山旁蜀志張疑字伯岐則沿譌已久張氏弼曰說文作礙

後人因岐所改也段氏曰此由俗人不識礙字蒙上岐字改

山旁耳

藝之荏菽周禮冢宰疏引作戎菽案釋草曰戎菽謂之荏菽毛

傳云荏菽戎菽也戎荏音近義同邵氏晉涵曰釋詁戎壬大

也壬通作任又通作荏是戎荏皆言大也

禾役穠穠說文禾部兩引作禾穎案毛傳云役列也正義申言種禾則使有行列穎役一聲之轉當是三家詩作穎字段氏曰役者穎之段借字列者梨之段借禾穰也此穎通穰言之下章穎則專謂垂者

瓜瓞啍啍說文

玉部口部

兩引皆作葦葦董氏引崔集注本同集韻

引作瓞瓞案毛傳云啍啍然多實也說文云啍大笑也讀若

葦玉篇云葦葦多實也正與毛義同許氏所引當為三家本

說文讀若字亦通則葦為本字

錢氏坫曰此今俗啍腹大笑字譌

段氏曰今

作啍啍假借

莠厥豐草釋文云莠韓詩作拂弗也案毛傳云莠治也言治去

茂草也釋詁曰弗治也是弗與莠同韓詩拂訓弗首章以弗

無子毛云弗去也廣韻亦云拂去也三字竝同音義通

實方實苞董氏引崔靈恩集注方作房案毛傳云方極畝也箋

方齊等也義畧同大田箋云方房也謂孚甲始生而未合時

也故崔本作房方房聲同

卽有郃家室說文邑部引無卽字

此依宋本

呂覽辨土注周本紀索

隱引同漢地理志郃作釐云周后稷所封又云后稷封釐郊

祀志亦作釐師古注讀與郃同白虎通京師引作台潛夫論

志氏姓作台御覽

一百三十五

引列女傳作有台案箋義有卽字

白虎通干寶晉紀論引竝有卽字此各據所見之本說文云

郃周棄外家國右扶風釐縣是也

郡縣志秦孝公作四十一縣釐武功各其一釐與郃

音同班固以漢釐縣卽古有郃國故謂后稷封釐是漢時作此

卅周之邠字也後漢董卓傳注釐字或作邠索隱云邠卽釐
古今字異耳穀梁襄十二年圍邠釋文邠本又作台左氏公
羊皆作台此从省盧氏曰案吳越春秋后稷其母台氏之女
台乃其本字凡國名邑名偏旁多後人所加段氏曰周人作
邠漢人作釐古今語小異故古今字不同

誕降嘉種初學記

一引作天降御覽

三

引孫氏瑞應圖同說文

禾部引作嘉穀

繫傳仍作種

云天賜后稷嘉穀也文選典引注引

同案毛傳云天降嘉種箋云后稷以天爲己下此四穀之實

則徧種之故亦作天降許君本作嘉穀與蔡邕所引同熹平

中邕書石經用魯詩則此亦當爲魯詩竊謂經傳自秦漢後

篆隸遞變數千年展轉傳寫不能無譌舛惟說文據當時所

見撫采眾家本竝存師說引於每字之下後人不能竄改爲可信爾段氏曰許云秬秠者天賜后稷之嘉穀也民食莫重於禾故謂之嘉穀改爲嘉種者非

維糜維芑恆之秬秠韻會引說文作維藁釋文云爾雅糜作藁

同恆本又作互

一作亘誤

顏氏家訓書證引作互正義云定本作

恆集注皆作互案釋草曰藁赤苗說文云藁赤苗嘉穀也六

書正譌云俗作藁

錢氏曰豐者藁之省

說文無糜字玉篇云糜糜粥也

藁詩傳云赤苗也可知毛詩本作藁後人妄改爲糜毛傳訓

恆爲徧說文本部云極竟也古文作互

弓人注恆讀爲極極竟也

互今變

作互增韻互延表也引此詩作互說文二部極常也與此字

義俱異錢氏曰糜說文作藁藁聲藁當讀如門之去聲段氏

曰夢當从爾雅說文今詩作糜非

或春或掄說文目部引作或簸或省云抒目也又抗眴皆或字

周禮敘官春人注引作抗儀禮有司徹注引作抗今誤釋文

云掄說文作省讀詩記董氏引韓詩作抗一作抗誤詩攷同案說

文春作簸當是誤涉下文周禮注云女春抗女奴能春與抗

者抗抒目也儀禮注云抗字或作挑者秦人語也挑長柄可

以抒物於器中者今文作抗周禮疏云引生民詩者證春抗

之事儀禮疏引詩注云抗抒目也則賈所見本亦作抗省正

字抗或體字竝从韓詩陸氏不引韓詩但引說文惠氏曰鄭

先通韓詩故周禮注讀从之說文簸當作春姚令威謂後人

改省爲蹂是誤以爲下句或簸或蹂矣段氏曰掄者省之段

借字鄭君注禮多用韓詩然則韓詩作抗也又曰古生民作
曾作抗今本作掄者聲之誤鄭注禮所引蓋韓詩許氏說文
序曰詩毛氏則毛詩故作曾也

釋之叟叟之浮浮釋文云叟字又作洩爾雅作淫浮爾雅說
文火部引詩並作烱爾雅樊光注引作釋之淫淫烝之烱烱案說

文云釋漬米也从米畢聲釋解也从米米取其分別物也後
人不知二字之異唐石經及今本皆从采旁誤

段氏以釋為釋之段借恐

非釋訓釋文作漸音近而義同爾雅孫炎注云淫淫漸米聲

烱烱炊之氣也說文烱蒸也蒸火氣上行也叟淫聲相近毛

詩叟烝浮皆借字郭注云浮烱音義同正義云古今字耳

取羝以軟釋文作牴一本作羝云字亦作羝案毛傳云羝羊牡

羊也說文云牴觸也牡羊性牴觸故通作牴易夬注釋文牴
本作牴集韻云牴本作牴羊也

其馨始升釋文云一本作其馨案說文云春秋傳曰黍稷馨馨
馨馨之遠聞者義同

后稷肇祀表記引作兆祀注云兆四郊之祭處也集韻引同元鳥

肇域彼四海鄭箋肇當作兆案書肇十有二州大傳作兆鄭注云兆域也

小宗伯兆五帝于四郊注云兆爲壇之營域說文兆作垺上
章以歸肇祀箋云肇郊之神位也孔疏云肇宜爲兆竝爲壇
營域之義肇兆同音通借

維葉泥泥釋文云張揖作芄芃云草盛也潛夫論德化引作握

握一作文選蜀都賦李善注引作柅柅劉淵林云柅柅盛茂